



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

L. Confirmatio, & Renovatio Constitutionum à Summis Pontificibus
editarum super solutione Communium, Annatarum, & Quindenniorum, ac
Indicatione unionum, cum revocatione privilegiorum, ac ...

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

L.

Confirmatio, & Renovatio Constitutionum à Summis Pontificibus editarum super solutione Communium, Annatarum, & Quindenniorum, ac Indicatione unionum, cum revocatione privilegiorum, ac Congregationis deputacione.

Similem confirmationem, & revocationem Constitutionum Pii, & Sixti V. habes in Constit. 18. Urbani, Alias, ubi multa circa materiam annotata videre poteris.

CLEMENS EPISCOPUS,

Motu proprio &c.

Postquam nonnulla à diversis Romanis Pontificibus Prædecessoribus nostris Camera Apostolicæ, & Collegii Venerabilium fratrum nostrorum S. R. E. Cardinalium, ac dilectorum filiorum Cancellariæ Apostolicæ Officialium de Communibus, Annatis, & Quindenniis participantium indemnitati consulere, imò illorum jura manutene, necnon illorum damnis plerumque ex incuria illorum jurium Exactorum provenire solitis obviare cupientibus super solutione communium, Annatarum, & aliorum jurium prædictorum eidem Camera, Collegio, & Officialibus ratione unionum Monasteriorum, Prioratum, aliorumque Beneficiorum Ecclesiasticorum certis modo, & forma tunc expressis qualificatorum Constitutiones editæ emanaverant.

§. 1. Fel. rec. Paulus Papa IV. prædecessor noster singulas literas piæ mem. Eugenii Papæ IV. etiam prædecessoris nostri, nonnullas Congregationes Regulares à sententiis, censuris, & pœnis, quibus ob non solutionem mediorum, seu integrorum fructuum primi anni Monasteriorum, & Beneficiorum per ipsum Eugenium prædecessorem hujusmodi, vel Sedem Apostolicam eorum Monasteriis, Prioratibus, Ecclesiis, & Beneficiis, sive locis eatenus unitorum innodata erant per suas literas absolvit, & quascumque obligationes per eas d. Camera propterea factas, ac medios, seu integros fructus hujusmodi eis liberaliter remisit, de illis, ac aliis quibuscumque, quæ prædictæ Camera eatenus solvere quomodolibet obligata erant, generalem quietantiam fecit concernentes pro quod per literas prædictas successoribus suis Romanis Pontificibus, & per consequens Collegio Cardinalium hujusmodi, & Officialibus Romanæ Curie causam ab ipsis Romanis Pontificibus habentibus præjudicare non potuisset, ac rec. mem. Leonis X. & Clem. VII. Rom. Pontificum similiter prædecessorum nostrorum tamquam contra ordinationes, statuta, decreta, & declarationem san. memor. Pauli, & Julii II. pariter prædecessorum nostrorum, ac causa non cognita, & non vocatis, nec auditis, quorum intererat, emanatas, ad viam, & terminos juris reducens, & reductas esse decernens, Motu simili, &c. omnes, & singulas uniones, annexiones, incorporaciones, applicationes, & submissiones de quibusvis Monasteriis, Prioratibus, Præposituris, Præpositatibus, Dignitatibus, Personatibus, Administrationibus, Officiis, & Beneficiis Ecclesiasticis cum cura, & sine cura secularibus, & quorumvis Ordinum, seu Militiarum regularibus, quibuscumque Collegiatis Ecclesiis, seu earum mensis Capitularibus vel Collegiis, Universitatibus, & utriusque sexus Congregationibus, etiam secularibus, necnon Domibus, Fabricis, Hospitalibus, & aliis piis locis, etiam illis à solutione hujusmodi exemptionem habere præsumentibus, quæ ex eorum perpetuitate non vacant per quoscumque Pontifices prædecessores suos quocumque tempore etiam ante san. me. Martinum Papam V. etiam prædecessorem suum, & ipsum Paulum IV. prædecessorem hujusmodi sub quibuscumque tenoribus, & formis,

ac cum quibusvis clausulis, & decretis perpetuò factas, & de cætero per successores suos Romanos Pontifices similiter perpetuò faciendas sub literis Pauli II. prædecessoris hujusmodi, includi, & comprehendendi.

§. 2. Et propterea tam quascumque Congregationes, quàm quosvis alios, in quorum favorem uniones, annexiones, incorporaciones, applicationes, & submissiones hujusmodi factæ fuerant, etiam si se superinde in Camera non obligavissent ad solutionem communium, & minorum servitorum, ac annatarum, & aliorum jurium prædictorum eidem Camera, Collegio, & Officialibus ratione earundem unionum, annexionum, incorporacionum, applicationum, & submissionum singulis quindecim annis à die, quo illæ suum effectum sortitæ fuissent alias juxta tenorem literarum Julii III. Prædecessoris hujusmodi, faciendam teneri, & obligatos esse, & ad id, necnon ad se communibus, & minutis servitiis, ac Annatis, & aliis juribus prædictis de quindecim annis in quindecim annos realiter, & cum effectu solvendis in forma solita obligandum etiam per sententias, censuras, & pœnas, etiam privationis, & dissolutionis unionum, annexionum, incorporacionum, applicationum, & submissionum prædictarum in literis Pauli, Julii II. ac Julii III. prædecessorum hujusmodi contentas, cogi, & compelli posse, necnon Monasteria, Prioratus, Præposituras, Præpositatus, Dignitates, Personatus, Administrationes, & Officia, & Beneficia unita hujusmodi onus solutionis Communium, & minorum servitorum, ac Annatarum, & aliorum Jurium prædictorum semper habuisse, & habere decrevit, & declaravit, mandans propterea bon. mem. Joanni Michaeli Sanctæ Mariæ Saraceno, & Virginio Sancti Simeonis tituli de Spoleto nuncupatis Presbyteris Sanctæ Romanæ Ecclesiæ Cardinalibus, tunc in humanis agentibus, ut omnes, & singulas causas coram eis inter Procuratorem Fiscalem d. Camera, Officiales prædictos ex una, & quascumque Congregationes, seu alias personas ex altera partibus, super solutione Communium, & minorum servitorum, ac Annatarum, & aliorum jurium prædictorum, vel eorum occasione pro tempore pendentes juxta ejus Constitutionis tenorem terminarent, & deciderent, quodq; omnes, & singuli, in quorum favorem uniones, aliaque prædicta emanassent, infra terminum eis à dictis Joanne Michaeli & Virginio Cardinalibus præfigendum, omnia, singula Monasteria, & alia beneficia Ecclesiastica unita hujusmodi, una cum illorum fructuum annuo valore Joanni Michaeli, & Virginio Cardinalibus prædictis notificasse, & intimasse debuissent, & ad id per sententias, censuras, & pœnas in literis ejusdem Pauli Prædecessoris contentas cogi, & compelli possent, decrevit, statuit, & ordinavit, irritans decreto desuper appposito, & alias prout in dictis literis sub dat. 10. Kalend. Februarii Pontificatus sui anno quarto plenius continetur.

§. 3. Et successive san. mem. Pius Papa V. etiam prædecessor noster providè considerans, quod Annatarum, Communium, & aliorum jurium Camera Apostolicæ debitorum exactio in recognitionem universalis domini introducta esset antiquissima, & Quindenniorum usus, & solutio idè adinventi fuerant, ne Camera prædictæ ex Monasteriorum, aliorumque beneficiorum unionibus, quæ amplius vacare non sperabantur, detrimentum aliquod induceretur, volens propterea prædictæ Camera, & eorundem Cardinalium Collegio, necnon Cancellariæ Apostolicæ Officialibus de Communibus Annatis, & Quindenniis participantibus jura præservare, illorumque indemnitati consulere invigilans Motu pari, &c. omnia, & singula Cathedralium, etiam Metropolitanarum, & Collegiatarum, Ecclesiarumque

Capi-

Edita A. D.
1671.

Causæ Constitut.

Eugenius IV. Quindennia non solventes de præterito absolvit.

Dict. Pöfifex præjudicare non potuit Successoribus Pont. & Officialibus Curie.

Afferretur ratio prout in rubr.

In futurum omnes lib. Pauli II. omnis in-

Et Julii Tertii literis comprehendis.

Pius V.

Capitula, Congregationes, Universitates, Collegia, Hospitalia, ac Pia loca, & quovis alios, in quorum favorem tam Secularium, quam quorumvis Ordinum Regularium, & Monasteria, Prioratus, Præposituræ, necnon dignitates, & alia quæcumque Beneficia Ecclesiastica unita, annexa, & incorporata, seu applicata existerent, & illorum uniones eis factæ reperirentur quantumcumque exempta, & privilegiata existerent, etiam si superindè in Camera Apostolica se non obligassent, dummodò Monasteria, seu Beneficia ipsa possiderent, ad solutionem Communium, Annatarum, & aliorum jurium prædictarum eisdem Camera, Collegio, & Officialibus ratione unionum, annexionum, seu applicationum prædictarum singulis quindecim annis à die, qua illæ suum sortitæ fuissent effectum, faciendam teneri, & obligatos esse, & ad id per sententias, censuras, & pœnas in singulis Pauli II. & aliorum Prædecessorum suorum Summorum Pontificum litteris contentas cogi, & compelli posse decrevit, & declaravit, mandans propterea bon. mem. Hieronymo tunc Episcopo Macerateni Camera Apostolica Clerico, Annatarumque Judici tunc existenti, ut pro faciliori indagatione unionum prædictarum omnia, & singula Cathedralium, etiam Metropolitanarum, & Collegiatarum Ecclesiarum Capitula, Collegia, necnon tam virorum, quam mulierum seculares, & quorumvis Ordinum Regulares Congregationes, seu Collegia, & Pia loca hujusmodi eorumdemque Prælatos, & Procuratores ad indicandum, & profuturum medio juramento omnia, & singula Monasteria, Prioratus, Præposituras, Præpositatus, Parochiales Ecclesias, & alia quæcumque Beneficia Ecclesiastica, quæ ipsa Capitula, Congregationes, & alia loca prædicta possiderent, & quo titulo illa possiderent, illorumque annexos valores sub privationis, & aliis in literis in forma Motus proprii Pii V. prædecessoris hujusmodi contentis, sententiis, censuris, & pœnis in Romana Curia, & extra eam moneret, & requireret, prout in literis Pii Quinti prædicti hujusmodi etiam plenius continetur.

Et Sixtus V. solutionem Quindenniorum fieri præcipiunt.

§. 4. Et deindè etiam san. mem. Sixtus Papa Quintus etiam prædecessor noster attendens, quod tantumdem detrimenti Camera, Collegio, & Officialibus prædictis ex unionibus, quæ ab Ordinariis locorum, & aliis fiebant, proveniebat, ac propterea æquum esse censuerat, quod in unionibus per Sedem Apostolicam factis locum obtineret, illud idem, & fortius in unionibus per ipsos Ordinarios factis, & faciendis observaretur, & licet in Constitutionibus, & literis prædecessorum suorum comprehendi videretur, tamen, ut cuius disputandi occasio præcederet Motu pari, &c. statuit, & declaravit, quod uniones, annexiones, incorporationes, submissiones de quibuscumque Beneficiis Ecclesiasticis, tam secularibus, quam Regularibus, etiam si Monasteria Monialium, & Hospitalia fuissent, quæ tamen tempore ipsarum unionum Cura, Conventu, & Hospitalitate carnissent, & quorum singulorum, vel si plura Beneficia unicus literis comprehensa essent, quorum quodlibet annum valorem viginti quatuor ducatorum auri de Camera sec. com. æst. val. ann. num. excessisset, dummodò tamen omnium insimul illum transcederet, cuicumque Ecclesiæ, Monasterio, Collegio, Domui, Societati, Congregationi, Ordini, Militiæ, Hospitali, Seminario, aut alteri loco Pio, tam per quoscumque Romanos Pontifices Prædecessores suos, necnon per Sedem Apostolicæ Legatos, Nuncios, & alios quoscumque subdelegatos, aut alias quomodolibet Apostolica auctoritate, per quemcumque loci Ordinarium in qualibet mundi parte eatenus factæ, & in futurum faciendæ, etiam si manualia, & de jure Patronatus Ducum, Marchionum, Baronum, Comitum, & aliorum Nobilium,

& Illustrium Beneficia illa fuissent, sub dictorum Prædecessorum Constitutionibus, & Ordinationibus omnino comprehendendi, & includi, & ab omnibus comprehendi, & inclusi esse censeri voluit, & ad solutionem Quindenniorum teneri, & obligatos esse, & ad id cogi, & compelli posse declaravit, mandavitque bon. mem. Alexandro Glorioso, Camera Apostolica Clerico, & Annatarum tunc Judici, ut pro faciliori indagatione unionum prædictarum omnia, & singula Cathedralium, etiam Metropolitanarum, & Collegiatarum Ecclesiarum Capitula, & alia loca Pia prædicta moneret, & requireret, ac profiteretur medio juramento omnia, & singula Beneficia Ecclesiastica, quæ vigore similium unionum quomodolibet possidebant, illorumque annuos valores juxta prædicti Sixti V. prædecessoris Constitutiones, cum facultate citandi, & inhibendi, & aliis in literis in forma Brevis sub dat. 14. mensis Maji 1586. similiter plenius continetur.

§. 5. Postremò fel. rec. Urbanus Papa VIII. etiam prædecessor noster, cum sicut acceperat, & sicut ei etiam innotuerat, adessent quamplurimæ uniones, & applicationes à dicto tempore citrà factæ, quarum noticia à Camera, & Cancellaria Apostolica desiderabatur, volens propterea tam Camera prædictæ, quam eorumdem Cardinalium Collegio, & Officialibus de Annatis participantibus consulere; Motu simili quascumque tam sub plumbo, quam in forma Brevis, & Motus proprii literas dictorum Pii V. & Sixti V. necnon quorumcumque aliorum Romanorum Pontificum prædecessorum suorum, super solutione Annatarum, Communium, Quindenniorum, & aliorum jurium, tam ratione provisionum, seu unionum perpetuarum quorumcumque Beneficiorum Ecclesiasticorum per Sedem Apostolicam factarum, & faciendarum editas, confirmatas, & innovatas cum omnibus clausulis, decretis, derogationibus, ac censuris, & pœnis in illis contentis, necnon omnia, & singula per quoscumque Judices, Executores, & Commissarios in præmissis, & circa ea quomodolibet gesta, & executæ, & indè legitime secuta, quæcumque quorum tenores, ac si de verbo ad verbum illic inserti essent pro plenè, & sufficienter expressis, & insertis habens auctoritate Apostolica confirmavit, & approbavit, necnon illis opportuna, & irrefragabilis firmitatis robur adiecit, omnemque & singulos juris, & facti, ac alios defectus, si qui forsitan intervenissent in eisdem supplevit, atque illas, & illa quatenus opus esset innovavit, mandans propterea bon. me. Magistro Hieronymo Raymundo dictæ Camera Clerico, cui antea pie mem. Gregorio Papa XV. etiam prædecessore nostro omnes, & singulæ causæ inter d. Gasparem Rivaldum Cancellariæ Apostolicæ Generalem Subcollectorem ex una, & quascumque Congregationes, Capitula, Collegia, loca Pia, & qualvis alias personas ex altera partibus super solutione Annatarum, Communium, & aliorum jurium Quindenniorum commissæ reperiebantur, & aliis in ejus locum per dictum Urbanum, vel ejus successores subrogandis Judicibus ut pro faciliori indagatione unionum, annexionum, incorporationum, seu applicationum prædictarum omnia, & singula Capitula, Collegia, Congregationes, Seminaria, Societates, & alia loca pia prædicta, eorumque Prælatos, & Procuratores ad indicandum, & profuturum medio juramento omnia, & singula Monasteria, Prioratus, Præposituras, Præpositatus, Parochiales Ecclesias, & alia quæcumque Beneficia Ecclesiastica, etiam si manualia, & de Jurepatronatus, ut præfatur fuissent quavis auctoritate Apostolica, seu ordinaria, aut subdelegata eis unita, & concessa, quæ ipsa Capitula, Collegia, Seminaria, Congregationes, & alia loca pia prædicta vigore unionum hujusmodi possidebant, illorumque annuos valores

Quodam
mat. Urb.
VIII.

sub

sub privationis, & aliis in Literis dictorum Pii, & Sixti Prædecessorum hujusmodi contentis, sententiis, censuris, & pœnis in Romana Curia, & extra eam monerent, & requirerent, cum potestate dicta Capitula, Collegia, Congregationes, Seminaria, Societates, Hospitalia, & alia loca pia prædicta, necnon Quindenniorum, & jurium debitorum in Literis ejusdem Urbani Prædecessoris comprehensos etiam per edictum publicum, confitro summarie de non tuto accessu, tam in dicta Curia, quam extra eam citandi, monendi, & requirendi, ac eis, & aliis quibuscumque, & quoties opus fuisset sub censuris, & pœnis Ecclesiasticis, ac pecuniariis eorum arbitrio ferendis, statuendis, moderandis, & applicandis, ac etiam privationis beneficiorum unitorum, etiam simili edicto inhibendi, ipsosque debitores ad indicandum Beneficia unita, & solvendum Quindennia decursa, etiam si ad id in Camera Apostolica non se obligavissent, confitro tamen de sortito effectu unionum, per similes sententias, censuras, & pœnas, etiam per interdicti, tam localis, quam personalis appositionem, quoties opus fuisset per dictum Hieronymum, & illi subrogandas, ferendas, & promulgandas, necnon fructuum, redituum, & proventuum, Beneficiorum Ecclesiasticorum, quæ ipsi debitores possidebant, pro quantitate eorum debiti, sequeltrationem, & alia opportuna juris, & facti remedia, etiam cum invocatione auxilii brachii secularis, cogendi, & compellendi, ac in præmissis omnibus, & singulis, etiam summarie, & de plano, sine strepitu, & figura judicii, sola facti veritate inspecta, & alias more Camerali, procedendi, ac eos, qui sententias, censuras, & pœnas prædictas, ut præmittitur incurrerant, iisdem censuris, & pœnis prævia satisfactione absolvendi, & liberandi, aliaque faciendi, gerendi, & exercendi, quæ in præmissis necessaria fuissent, seu quomodolibet opportuna, ac aliis in Literis Apostolicis ejusdem Urbani Prædecessoris, sub dat. Idibus Junii anni Domini 1624. Pontificatus sui Anno Primo etiam plenius continetur.

§. 6. Cum autem sicut accepimus, exactiones jurium ratione Quindenniorum hujusmodi decursum, & eorumdem Cardinalium Collegio debitorum ob Procuratorum dicti Collegii incuriam non sine maximo illius damno, & præjudicio, non solum neglectæ fuerint, imò etiam diversæ Regularium, & forsitan secularium personarum Congregationes, &c. sub Literis prædictis minime comprehendi contendant, & propterea, ac forsitan aliis frivolis prætextibus, Communia, minuta servitia, Annatas, & alia jura Cameræ, & Collegio, ac Officialibus prædictis ratione unionum eidem Monasteriis, Prioratibus, & aliis Beneficiis Ecclesiasticis hæcenus factarum debita, licet solutio hujusmodi in recognitionem universalis Domini introducta sit antiquissima, ut præfertur, censuras, & pœnas in singulis Literis prædictis contentas damnabiliter incurrendo in maximum animarum suarum periculum, & Cameræ, ac Collegii, Officialiumque prædictorum detrimentum, persolvere recitent; Nos verò Prædecessorum Nostrorum vestigiis inhærendo, nolentes Cameræ Nostræ Apostolicæ, cui diversa impensarum onera pro Ecclesiæ Romanæ statu conservando quotidie incumbunt, jura pro posse Nostro negligere, quinimò, tam illius, quam Venerabilium Fratrum Nostrorum Sanctæ R. Eccl. Cardinalium, ac dilectorum filiorum Cancellaria Apostolicæ Officialium de Annatis participantium, indematibus de cætero obviare, necnon illorum commodis, & utilitatibus consulere, ac illorum jura illaesa, ut tenemur, servare volentes, Motu simili, omnia, & singula privilegia, immunitates, & exemptiones per quoscumque Romanos Pontifices Prædecessores Nostros quibuscumque Congregationibus, & quibuscumque aliis ratione solu-

tionis Communium, Quindenniorum, aliorumque jurium prædictorum Cameræ, Collegio, & Officialibus prædictis faciendæ hæcenus quomodolibet concessa revocantes, & annullantes, revocataque, & annullata ex nunc esse, & fore decernentes, quascumque, tam sub plumbo, quam in forma Brevis, & Motus proprii Literas eorundem Pauli IV. & Pii, ac Sixti V. atque Urbani VIII. necnon quorumcumque aliorum Romanorum Pontificum Prædecessorum Nostrorum super solutione Annatarum, Communium, Quindenniorum, & aliorum jurium, tam ratione provisionum, seu unionum perpetuarum quorumcumque Beneficiorum Ecclesiasticorum per dictam Sedem factarum, & in posterum faciendarum editas, confirmatas, & innovatas cum omnibus clausulis, Decretis, derogationibus, ac censuris, & pœnis in illis insiditis, comminatis, & contentis, necnon omnia, & singula per quoscumque Judices, Executores, & Commissarios in præmissis, & circa ea quomodolibet gesta, & executata, & indè legitime secuta quæcumque, quorum tenores, ac si de verbo ad verbum hic inserti essent, pro plenè, & sufficienter expressis, & insertis habentes, Apostolica auctoritate tenore præsentium approbamus, & confirmamus, necnon illis perpetuæ, & irrefragabilis firmitatis robur adjicimus, omnesque, & singulos juris, & facti, & quovis alios defectus, si qui desuper forsitan quomodolibet intervenerint in eisdem supplemus, atque illas, & illa quatenus opus sit innovamus, ac omnes, & singulas uniones de quibuscumque Monasteriis, & aliis Beneficiis Ecclesiasticis, secularibus, & quorumvis Ordinum Regularibus, quibuscumque Ecclesiis etiam Parochialibus, & utriusque sexus Congregationibus, tam secularibus, quam Regularibus, & aliis Piiis locis, nullis penitus exclusis, quæ ex eorum perpetuitate non vacant, per quoscumque Romanos Pontifices Prædecessores Nostros, & ante ipsum Martinum Prædecessorem, & Nos sub quibuscumque tenoribus, & formis, ac cum quibuscumque clausulis, & Decretis perpetuò factas, & de cætero, tam per Nos, quam successores Nostros similiter perpetuò faciendas sub Literis Pauli Prædecessoris hujusmodi comprehendi, & includi.

§. 7. Ideoque quascumque Congregationes, & quovis alios, in quorum favorem uniones hujusmodi factæ fuerint, etiam si se superindè in Camera non obligaverint, ad solutionem Communium & minorum servitiorum, & Annatarum, aliorumque jurium prædictorum eidem Cameræ Collegio, & Officialibus ratione earundem unionum, ut præfertur, faciendam teneri, & ad idem, necnon de Communibus, & aliis juribus prædictis solvendis, obligandum, etiam per sententias, censuras, & pœnas, etiam privationis, & dissolutionis unionum hujusmodi cogi, & compelli posse, omnia, & singula in contrarium disposita tamquam nulla, & irrita revocantes, nulliusque valoris, & momenti esse, & fore declarantes, Motu simili &c. statuimus, & decernimus; & insuper ne de cætero in dubium revocari contingat utcumque per quæcumque loca pia, tam secularia, quam quorumvis Ordinum regularia Quindennia, & alia jura ratione pensionum perpetuarum hæcenus per quoscumque Romanos Pontifices Prædecessores Nostros, ac Nos in favorem dictorum locorum piorum, seu illorum fabricam super quorumcumque Beneficiorum Ecclesiasticorum quomodolibet qualificatorum fructibus, juribus, obventionibus, & emolumentis universis, ac etiam Canonicatum, & præbendarum distributionibus quotidianis reservatarum, & in posterum per Nos, & successores Nostros reservandarum, & locis piiis assignatarum, & assignandarum, summam tamen viginti quatuor ducatorum auri de Camera excedentium, Cameræ Apostolicæ, & Collegio, & Officialibus prædictis persol-

Confirmatio
& approbatio,
de qua
in rubrica.

Congregationes omnes
ad hujusmodi
solutionem
teneri statuit.

Et compelli
posse decla-
rat.

vere debeant, & teneantur Motu pari, &c.
§. 8. Ad quodlibet dubium è medio tollendum, & pro majori dilucidatione, litiumque remotiori occasione quascumque Congregationes, Parochialia, cæteraque prædicta loca pia, in quorum favorem similes pensiones perpetuè, ut præfertur reservatæ fuerint, & in posterum reservari contigerit, etiam si se perinde in Camera non obligaverint, ad solutionem Quindenniorum, aliorumque jurium ratione pensionum perpetuarum hujusmodi, licet à quibuscumque oneribus ordinariis, & extraordinariis impostis, & in futurum imponendis liberarum, immunitum, & exemptarum, eisdem Cameræ Collegio, & Officialibus faciendam teneri, & obligata existere, & ad idem per supradictas pœnas, etiam privationis, cassationis, extinctionis, & annullationis similium pensionum cogi, & compelli posse declaramus.

Executores
deputat.

§. 9. Necnon in securiorem, & faciliorem omnium, & singulorum prædictorum executionem, Dilecto filio moderno, & pro tempore existenti Annatarum Judici, ut pro faciliori indagazione unionum prædictarum omnia, & singula quarumlibet Ecclesiarum Capitula, Congregationes, Collegia, aliaque loca prædicta moneat, ut profiteantur medio juramento omnia, & singula Beneficia Ecclesiastica, quæ vigore similium unionum & pensiones perpetuas hujusmodi quomodolibet possident, ac percipiunt, illorumque annuos valores juxta prædictorum Prædecessorum Nostrorum Constitutiones cum facultate citandi, & inhibendi alia Cameræ Collegio, & Officialibus prædictis proficua, & necessaria faciendi mandamus, ut pro faciliori indagazione unionum hujusmodi omnia, & singula Capitula, Collegia, Congregationes, Seminaria, Societates, & alia loca pia prædicta, eorumque Superiores ad indicandum, & profitendum medio juramento omnia, & singula Monasteria, & quæcumque alia beneficia Ecclesiastica quomodolibet eis unita, & concessa, & pensiones perpetuas illis reservatas, & assignatas, quæ, & quas ipsa Capitula, Collegia, Seminaria, Congregationes, & alia loca pia prædicta vigore unionum hujusmodi possident, & percipiunt respectivè, illorumque, & illarum valores annuos sub privationis, & aliis in supradictis Literis contentis sententiis, censuris, & pœnis in dicta Curia, & extra eam moneat, & requirat, cum potestate dicta Capitula, Collegia, Congregationes, Seminaria, ac Parochialia, & alia loca pia, necnon Quindenniorum, & jurium debitorum etiam per Edictum publicum, consilio summariè de non tuto accessu, tam in dicta Curia, quam extra eam, citandi, monendi, & requirendi, ac eis, & quibusvis aliis, & quoties opus fuerit sub censuris, & pœnis Ecclesiasticis, ac pecuniariis ejus arbitrio ferendis, statuendis, moderandis, & applicandis, ac etiam privationis Beneficiorum unitorum, & extinctionis, & annullationis pensionum reservatarum hujusmodi, etiam simili edicto inhibendi, ipsosque debitores ad indicandum Beneficia unita, ac pensiones reservatas hujusmodi, & solvendum quindennia decursa, etiam si in Camera prædicta non se obligaverint, consilio tamen de sortito effectu unionum, & pensionum hujusmodi reservationum per similes sententias, censuras, & pœnas, etiam per interdicti, tam localis, quam personalis appositionem, quoties opus fuerit per dictum Judicem, & illi subrogandas, ferendas, & promulgandas, necnon fructuum, reddituum, & proventuum beneficiorum Ecclesiasticorum, & pensionum hujusmodi, quæ ipsi debitores possident, & percipiunt pro quantitate eorum debiti, sequestrationem, & alia opportuna juris, & facti remedia, etiam cum invocatione auxilii Brachii Secularis cogendi, & compellendi, ac in præmissis omnibus, & singulis, etiam sum-

marie, & de plano, sine strepitu, & figura judicii, sola facti veritate inspecta, & alias more Camera-li procedendi, ac eos, qui sententias, censuras, & pœnas prædictas, ut præfertur, incurrunt, iisdem censuris, & pœnis, prævia satisfactione, absolvendi, & liberandi, aliaque faciendi, gerendi, & exercendi, quæ in præmissis fuerint quomodolibet opportuna.

§. 10. Necnon ut dilecti filii Nostri moderni, & pro tempore existentes S. R. E. Cardinales, qui illius honorabilia membra, & de negotiis in Consistoriis Nostri tractari solitis, apprime informati existunt, quousque in partem Apostolicæ sollicitudinis evocavit Altissimus statum illorum juxta Cardinalatus sublimitatem decentius tenere, & expensarum onera, quæ eos juxta de necessitate subire oportet, facilius perferre valeant, particularem Congregationem in qua præ cæteris dilecti filii Nostri Petrus tit. S. Marci Orthobonus, & Carolus tit. S. Priscæ Pius, ac Carolus tit. S. Eusebii Gualterius, necnon Gaspar tit. S. Pudencianæ de Carpineo, atque Angelus S. Angeli in foro Piscium Diaconus Celsus respectivè nuncupati etiam S. R. E. Cardinales, & pro tempore existentes Sacri Collegii Camerarii illorumque immediati successores, ac Annatarum Judex Cameræ Apostolicæ Clericus, necnon etiam d. Collegii Secretarius pro tempore existentes dictam Congregationem constituentes, alique per Nos, & successores Nostros in locum illorum subrogandi, interesse possint, & valeant, pro exactione Quindenniorum omnium, & singulorum Beneficiorum, ut præfertur unitorum, & in libris Cameræ prædictæ taxatorum, & pensionum perpetuarum reservatarum hujusmodi per quascunque Congregationes, & alia loca pia hujusmodi debitorum, faciendâ motu simili &c. constituimus, & deputamus.

§. 11. Necnon eidem Congregationi omnia, & singula privilegia, indulgta, & facultates hæcenus Annatarum Judici Apostolica auctoritate concessa, etiam cum auctoritate, & potestate, prævia tamen avocatione cujuslibet causæ, seu causarum coram quocumque Judice super præmissis vertentis, seu vertentium dictas, & alias solutiones Annatarum, Communium, Quindenniorum, & aliorum jurium prædictorum concernentes, introductas, & imposterum introducendas causas, juxta Literarum prædictarum formam, & dispositionem, etiam cum facultate requirendi votum Sacræ Rotæ Auditorii, in causis tamen eidem Congregationi benevisis dumtaxat, causas, etiam si super juribus competentibus Collegio una, vel plures lata fuerint sententiæ dicto Collegio non audito, audiendi, decidendi, cognoscendi, sineque debito terminandi; necnon quascunque Congregationes, aliaque loca pia hujusmodi, in quorum favorem Monasteria, & alia Beneficia unita, ac pensiones perpetuæ hujusmodi reservatæ fuerint ad instantiam dictæ Congregationis ad librorum computorum exhibitionem, appellationem, recursu & reclamatione penitus remotis compellendi facultatem motu pari &c. concedimus, & communicamus, etiam cum potestate dd. Capitula, Collegia, Congregationes, Seminaria, Societates, Hospitalia, & alia loca prædicta, necnon eorundem Quindenniorum, & jurium debitores in præsentibus Nostri Literis comprehensis etiam per Edictum publicum, consilio summariè de non tuto accessu, tam in dicta Curia, quam extra eam citandi, movendi, & requirendi ab eis, & aliis quibusvis, & quoties opus fuerit sub censuris, & pœnis Ecclesiasticis, ac pecuniariis eorum arbitrio ferendis, statuendis, moderandis, & applicandis, ac etiam privationis Beneficiorum unitorum, cassationis pensionum prædictarum etiam simili edicto inhibendi, ipsosque debitores ad indicandum beneficia unita, & pensiones assignatas hujusmo-

Congrega-
tione pro
Quindennio-
rum exactio-
ne instituit.

Eique privi-
legia elargi-
tur.

di, & solvendum quinquennia decursa, etiam si ad id in Camera Apostolica non se obligaverint, confito tamen de sortito effectu unionum, per similes sententias, censuras, & penas, etiam per interdicti, tam localis, quam personalis appositionem per eos, & in eorum loco subrogandos quoties opus fuerit ferendas, & promulgandas, necnon fructuum, reddituum, & proventuum Beneficiorum Ecclesiasticorum, quae ipsi debitores possidebunt, pro quantitate eorum debiti, sequestrationem, & alia opportuna juris, & facti remedia, etiam cum invocatione auxilii Brachii saecularis cogendi, & compellendi, ac in praemissis omnibus, & singulis, etiam summarie, simpliciter, & de plano, sine strepitu, & figura Judicii, sola facti veritate inspecta, & alias more Camerali procedendi, & eos qui sententias, censuras, & penas, ut praefertur incurrerint, ab eisdem censuris, & penis, praevia satisfactione, absolvendi, & liberandi, aliaque faciendi, decidendi, gerendi, & exercendi, quae in praemissis necessaria fuerint, seu quomodolibet opportuna.

§. 12. Praesentes quoque, & desuper sciendas Litteras, etiam ex eo, quod Superiores Congregationum, & Monasteriorum, & ceteri quicumque in praemissis interesse habentes, seu habere quomodolibet praetendentes, praemissis non consenserint, nec ad ea vocati, & auditi fuerint, nullo unquam tempore de subreptionis, obreptionis, nullitatis, aut invaliditatis vitio, seu intentionis Nostrae, aut quovis alio defectu, etiam quantumvis magno, & inexcogitato, ac substantiali, sive etiam ex eo quod in praemissis, seu eorum aliquo, solemnitate, & quavis alia reservanda, & adimplenda, servata, & adimpleta non fuerint, aut ex quocumque alio capite a jure, vel facto, aut statuto, vel consuetudine aliqua resultante, seu etiam enormis, enormissimae, & totalis laesionis, aut quocumque alio colore, praetextu, ratione, vel causa, etiam in corpore juris clausa, seu occasione, vel causa etiam quantumvis iusta, rationabili, & privilegiata, etiam tali quae ad effectum validitatis praemissorum necessario exprimenda foret, aut quod de voluntate Nostra hujusmodi, & aliis superius expressis, relatis in Litteris ullibi appareret, seu aliter probari posset, notari, impugnari, invalidari, retractari, in jus, vel controversiam revocari, aut ad terminos juris reduci, vel adversus illos restitutionis in integrum, aperiitionis oris, reductionis ad viam, & terminos juris, aut aliud quodcumque juris, facti, gratiae, vel iustitiae remedium impetrari, seu quomodolibet concessio, aut impetrato uti, seu se juvare in iudicio, vel extra, posse, neque ipsas praesentes sub quibusvis similibus, vel dissimilibus gratiarum revocationibus, suspensionibus, limitationibus pro tempore quomodolibet faciendis comprehendere, sed semper ab illis exceptas perpetuo validas, firmas, & efficaces existere, & fore, suosque plenarios, & integros effectus sortiri & obtinere, ac per omnes, & singulos, ad quos spectat, & pro tempore quomodolibet spectabit inviolabiliter observari.

§. 13. Sicque, & non aliter in praemissis omnibus, & singulis per quoscumque Judices, ac eisdem Sanctae Romanae Ecclesiae Cardinales, etiam de Latere Legatos, ac Nuncios, & alios quavis auctoritate, & potestate fungentes in quavis causa, & instantia, sublata eis, & eorum cuilibet in quocumque iudicio, & in quavis instantia aliter iudicandi, & interpretandi facultate, & auctoritate iudicari, & definiri debere, irritumque &c. Motu pari &c. decernimus.

§. 14. Non obstant praemissis, ac quatenus opus sit Nostra, & Cancellariae Apostolicae Regula, de jure quaesito non tollendo, necnon etiam in Synodalibus Conciliis editis, & edendis specialibus, vel generalibus Constitutionibus, & Ordinationibus Apostolicis, necnon etiam quatenus opus sit Congregationum, & Monasteriorum, & quorumvis aliorum locorum piorum statutis, etiam jura-

mento &c. roboratis, privilegiis quoque, indultis, & Litteris Apostolicis &c. sub quibuscumque tenoribus & formis etiam Motu simili &c. & de Apostolica potestate plenitudine, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis Decretis innovatis. Quibus omnibus &c. etiam si pro illorum sufficienti derogatione de illis, eorumque totis tenoribus specialibus, specifica, expressa & individua, ac de verbo ad ad verbum, non autem per clausulas generales idem importantes mentio, seu quavis alia exquisita forma ad hoc servanda foret, illis alias in suo robore permanens, hac vice dumtaxat harum serie specialiter, & expresse Motu pari derogamus, ceterisque contrariis quibuscumque, cum clausulis opportunis.

Fiat Motu proprio E.

§. 15. Et quod dd. Litterarum, & inde secutorum quorumcumque; tenores etiam veriores, ac Data eorumdem, necnon litis, & causae si quae sint stat. & merita, nominaque & cognomina Judicum, & Colligantium singulorum Monasteriorum, & Congregationum, & aliorum locorum piorum unitorum hujusmodi denominationes, & qualitates habeantur pro expressis, seu in toto, vel in parte exprimi possint, & de perpetuis confirmatione, approbatione, roboris adjectione, defectuum supplementatione, invocatione, statuto, decreto, mandato, declaratione, deputatione, constitutione, concessione, communicatione, derogatione, & aliis praemissis, ut supra latissime extensis, & quod praemissorum omnium, & singulorum, etiam denominationum, nuncupationum, invocationum, aliorumque necessariorum major, & verior specificatio, & expressio fieri possit in Litteris in forma gratiosa, cum clausula perpetua, & ad perpetuam rei memoriam, etiam per officium Contradictarum, aut alias per Cancellariam, aut de Curia ut vocant, seu per viam secretam, absque aliquo alio signo, seu **S.** contra signo expedien. & relaxan. seu si videbitur sola praesentis Motus proprii Signatura sufficiat, & ubique fidem faciat in iudicio, & extra illud, regula quacumque contraria non obstante.

§. 16. Volumus autem, ut praesentium transumptis manu Datarii Nostrae subscriptis, & etiam impressis fides adhibeatur.

Fiat E.

Datum Romae apud Sanctam Mariam Majorem septimo Kalendas Novembris Anno secundo.

Anno à Nativitate D. N. JESU CHRISTI millesimo sexcentesimo septuagesimo primo, die vero 21. mensis Novembris, Indictione nona, Pontificatus autem Sanctiss. in Christo Patris. & D. N. D. CLEMENTIS Divina Providentia Papae X. Anno ejus Secundo, supradicta Confirmatio, & Renovatio Constitutionum affixa, & publicata fuit ad valvas Basilicae Principis Apostolorum Cancellariae Apostolicae, ac in Aede Campi Florae, ac aliis locis solitis, & consuetis Urbis per me Carolum Franceschinum Apost. Curs.

Jo. Antonius Bertarellus pro Mag. Curs.

Quod de caetero omnes, & singuli Definidores perpetui Provinciarum Fratrum Minorum Conventualium Sancti Francisci post finitum lectionem, praedicationis, vel Magisterii Novitiorum, aut Inquisitoratus tempus Exprovincialium praesentium fruantur, ac si Provincialatus munere functi fuissent, & alia circa praecedentiam inter eos declarat.

Vide ad praesentem materiam Constit. 86. Inscrutabili, ab Alexandro VII. editam, pag. 122.

Clausulas praeservativas apponit.

Nec aliter iudicari posse decernit.

Contrariis derogat.

Papae subscriptio.

Praesentibus robor addit.

Transumptorum fides.

Dat. P. An. 2. die 26. Oct.

Publicatio.

LI